



МЕСЯЦА АПРЕЛЯ В 24-Й ДЕНЬ

Святаго мученика Саввы Стратилата

На Господи, возвах: стихиры, глас 4.

Подобен: Яко добля:

Воевода непобедимый, / страдалец храбрый / и
свещильник всемирный был еси, / востоки
подвиг твоих просвещая концы / и отгоня
мрак демонский тяжкий, / Савво великий, /
удобрение мучеников, / согражданине святых
безплотных / и молитвенниче о душах наших.

И в темницах затворяемь, / и огнем сожигаемь, / и
многими муками томим, / и на древе растягаемь, / и
зимой оскорбляемь, / и ранами частыми непре-
станно биемь, / и в водах блаженный конец, /
страстотерпче, приемля усердно, / непоколебим
пребыл еси.

Красен ты был еси / юноша, пребогате, / от всех
всегда удивляемь, / и отлучился еси ко трудом /
страданий небоязненно, / на вся враги воздвигл
еси победы / великими святыми твоими подвиги. /
Сего ради во хвалении тя чтим / радостно, досто-
чудне.

Слава, и ныне, Богородичен:

Тучами Духа Пресвятаго, Пречистая, / мою
мысль ороси, / Яже каплю рождающая, Христа, /
неисчетно безмерная беззакония человеков / щедр-
отами измывшую; / изсуши источник страстей

моих / и потока мя сподоби пищи живыя присно /
молитвами Твоими.

Крестобогородичен:

Агнца и Пастыря Тя / на Древе яко виде, /
Агница рождающая рыдаше / и матерски Ти веща-
ше: / Сыне возжеленне, / яко на древе Крестнем
повешен еси, Долготерпеливе? / Како рuce и нозе
Твой, Слове, / пригвоздишася от беззаконных, / и
кровь Твою излиял еси, Владыко?

Тропарь, глас 4: Мученик Твой, Господи:

Или сей, глас 5:

Земнаго сана пояс оставив и почести, страдалъ-
че, / пред мучителем, лстивым царем / Христа,
Бога суща, исповедал еси / и Того ради многа
страдания подъял еси, славне. / Тем прекрасным
победы венцем увязлся еси / от Царя всех царствую-
щего, / с Небесными вои светло преукрашен. /
Предстоя Тому, Савво, / моли, да спасет души
наша.

Канон, глас 2.

Песнь 1

Ирмос: Грядите, людие, / поим песнь Христу
Богу, / раздельшему море и наставльшему люди, /
яже изведе из работы египетския, / яко прослави-
ся.

Ты наше, Господи, от адовых врат естество
избавль, / того затворил еси в темницах вечных / и,
смерть умертвив, жизнь источил еси.

Иже на земли, славне, воинство оставль, / Небес-
ным чином и воинством труды Божественными /
славно причелся еси, Савво, слава Христа.

Силою, мудре, свыше одаян на враги, / неподви-
жим и непобедим явился еси, / сих побеждая
доблественно брань, преславне.

Присносиянен озарился еси в прелестней ноци
светильник, / Христа солнца проповедуя всем
праведно / и отгоня тьму безбожия.

Богородичен: От земли преисподняя нас
исхити / из Тебе родивыйся Сын Божий, яко
милосерд, / Своим воскресением к жизни вечней,
присно поющая Тя.

Песнь 3

Ирмос: Утверди нас в Тебе, Господи, / Древом умерщвлей грех, / и страх Твой всади / в сердца нас, поющих Тя.

Силу Христос борца и державу низлож смерти, / оживи естество наше Своим Воскресением и укрепи.

Теплая, премудре, Христова любви, ты божественно разжегши, / земных и тленных всех отлучи / и прелести супостата покажи.

Познав Творца, единого Господа, / давшаго Себе избавление человеком, / твою кровь дал еси за Него, Савво, / будущего ради воздаяния.

Богородичен: Престя мучительство смертное, Пречистая, / и адова сокровица упразднишася востанием Рождшагося из Тебе, / и жизни сокровица наполнишася.

Седален, глас 4.

Подобен: Вознесыйся:

Неподвижим явлься воевода, варварския козни победил еси / и, пострадав, славне, крепко, полки преборил еси враг невидимых. / Отонудуже венцем увязлся еси победным, / о нас моли прилежно, Савво преблаженне. верою поющих тя.

Богородичен:

По Бозе во Твой, Богородице, / прибегаю, смиренный, покров Божественный, припадая, молюся: / помилуй, Пречистая, яко превзыдоша главу мою греси, / и боюся, Владычице, муки, и трепещу. / Моление сотвори, Чистая, к Сыну Твоему / от сих избавити мя.

Крестобогородичен:

Иже от Безначальнаго Отца рожденнаго / напоследок Тя плотию рождшая, / на Кресте висяща, зрящи, Христе: / увы Мне, любезнейший Иисусе, — вопияше, — / како славимый яко Бог от Ангел, / от беззаконных ныне человек, Сыне, хотя, распинаешися? / Пою Тя, Долготерпеливе.

Песнь 4

Ирмос: Услышах, Господи, / слух Твоего смотрения / и прославих Тя, / едине Человеколюбче.

Ножём отсёкл еси́ истинных глагол твоих / лжи сплетения дѡблественне, Савво преславне.

Цветущая телесѣ красота в тебе́ истинно яви́, страсотѣрпче, / души́ твоея́ Божѣственное благоле́пие.

Растущим славне, душе́вным мѡжеством / дре́вняго страданьми победил еси́ борца́.

Богородичен: Яко от зѡвѣря, чело́века Твой Сын исхитив смѣртна, / к животу́, Дѡво, сегѡ преста́ви.

Песнь 5

Ирмос: *Свѣта Подателю / и веко́в Творче, Гѡсподи, / во свѣте Твоих повелѣний наста́ви нас, / рѡзве бо Тебѣ, ино́го бо́га не знаѣм.*

Ты погребѣнием плѡти борца́ нашего погребл еси́ / и, яко Бог, истощив а́да, воскреси́ мѣртвыя Своим Воскресѣнием, Христѣ, / Тя прославльшия.

Украшене, мѡдре, тѡвѣрей дѡбрѡте, позна́л еси́ всех Влады́ку, / тѣмже Егѡ ра́ди, Савво, пострада́в, венце́в сподѡбился еси́.

Та́йных получи́в дарова́ний Христѡвых, славне, / и Тогѡ незавѣстным сия́нием божѣственно уясни́вся, / свети́льник показале́ся еси́ в ми́ре, славне.

Богородичен: Исто́чник жи́зни, из Тебѣ вопло́щся, / воскрес, источи́ земнорѡдных естество́, Богородице, / и си́е яко Бог безсмѣртя напои́ вода́ми.

Песнь 6

Ирмос: *В бѣздне грехѡвней валя́йся, / неизсле́дную милосѣрдия Твоегѡ призыва́ю бѣзду: / от тли, Бо́же, мя возведи́.*

Погубив смѣртию смѣрть, / И́же нас ра́ди волею мертв вмени́лся еси́, Христѣ, / мѣртвыя оживи́л еси́ и сея́ уз изба́вил еси́.

Окропи́вся Христа́ Божѣственною кро́вию, / идо́льских треб оскверне́ния отступи́л еси́, Савво славне, / и свѣтом оде́ваясь благода́ти.

Зимы́ прѣлести отбѣгл еси́ / и к тихой весне́ дости́гл еси́ Христѡвым позна́нием, / и́мже и оза́рился еси́, преславне.

Богородичен: Истлѣвшия ны прегрѣше́ньми, / Сын Твой, Пречи́стая, Воскресѣнием Своим обно́ви, и онебеси́, / и бо́ги соде́ла благода́тию.

Кондак, глас 4.

Подобен: Вознесыйся:

Непобедимый явлься стратилат, / варварския
козни победил еси / и, страдальчествовав,
славне, твердейши, / множество врагов невидимых
поборил еси, / темже венец исплел еси победы. / О
нас моли Христа, Савво всеблаженне, / верою
почитающих тя.

Песнь 7

Ирмос: *Образу златому, на поле Дейре служиму, /
трие Твой отроцы небрегоша безбожнаго веления,
/ посреде же огня ввержени, орошаеми, по-
яху: / благословен еси, Боже отец наших.*

Уснув Христос волею яко мертв, плотию во
гробе, / мертвья, иже во аде спящия, от века
возбудил / и живоносным востанием сих воскресил,
поющия: / благословен Бог отец наших.

Оружие, мудре, Божественных словес, яко нож
держав, / в сердца сих вонзил еси нечествующих, /
и уязвил еси сопротивных ложная беззакония, и
взывал еси: / благословен Бог отец наших.

Запен быв от враг, / не поколебал еси души, ни
низложен был еси, / Христа бо имея, назирающа и
укрепляюща тя непоколебима. / Емуже и взывал,
Савво, и благодарно воспевал еси: / благословен
Бог отец наших.

Мертва врага подложи под ноги твои, страдальче,
/ якоже корысть сего взял еси прельщения / и
дал еси сих Владыце всех, познанием зовущия: /
благословен Бог отец наших.

Богородичен: *В крепость державную одеявся,
человеческое немощное естество, / Дево Преслав-
ная, в востании Рождества Твоего, / и, вооружено
мужески на смерть, славит Тя, / безсмертия и
жизни Матерь Чистую.*

Песнь 8

Ирмос: *В пещь огненную ко отроком еврейским
снизшедшаго / и пламень в росу преложшаго
Бога, / пойте, дела, яко Господа / и перевозните во
вся веки.*

Смерти обретателя, смертию твоєю плотскою
убив, Щедре, / сего всем показал еси человеком

вѣчную смерть: / Тя превозносим, Животѣ и Нетлѣние.

Тимѣния всего очіщся безбѣжнаго / и служѣнія идольскаго бѣнею, страсотѣрпче, крещѣнія, / Зиждітелю чісте приступіл есі, Савво, / в по́дви-зех терпя доблественне.

Медотѣчным слѣвом, мѣдре, и взѣром слѣдким удивляя мучітеля, / дѣлы победітельныя на них поста́вил есі и взыва́л: / Тя превозносим, Гѣспода, во вѣки.

Богорѣдичен: Животѣ моего Начальник, / к смѣрти плѣтию приступив, умертвѣ сию. / Оживи, Дѣво, любѣвию поющая Тя / и превозносящая Того во вѣки.

Песнь 9

Ирмос: От Бѣга Бѣга Сло́ва, / неизречѣнную мѣдростию пришѣдшаго обновіти Ада́ма, / я́дию в тлѣние па́дшаго лю́те, / от Святыя Дѣвы неизречѣнно воплотившагося нас ра́ди, / вѣрнии, единомѣдренно пѣсньми велича́ем.

Ты, утробу а́дову растѣрг, Щѣдре, истощіл есі тогѣ, я́ко си́лен, / и небѣсный оскудѣвший напѣлнил есі мир, / воздвѣг и оживив мѣртвыя, / и челове́ки вся вознѣсл есі разумѣнием Твоѣм.

Востѣк на высотѣ умно, страсотѣрпче, Божѣственнаго познѣнія Христѣова, / прѣлесть, до́лу влеку́щую, оста́вил есі / и крилы́ страдѣнія к Семѣ вознѣслся есі, / прилѣжно велича́я и сла́вя Егѣ я́ко Преблѣга.

Стрѣлы младѣнец вменяя стрелѣнія мучітелей, / сілою отража́я тех Христѣовою, Савво пресла́вне, / спѣборника имѣл есі Того и помога́юща ти присно, / Егѣже вѣрою и любѣвию непрестѣнно велича́л есі.

Богорѣдичен: Облѣста, Дѣво, Сын и Бог Твой, от грѣба воста́в, / Божѣственныя зарѣи и сла́вы испѣлни вселѣнную / и сия́нием нетлѣнія я́же вѣрою свѣтел Тя ѣблак сла́влящая просветіл естѣ.

Мученик Савва происходил из готфскаго племени. Своей храбростію он достиг высокаго чина воеводы-стратилата и служил при императорѣ Аврелианѣ (270—275). С юности святой Савва был христианином и

усердно следовал заповѣдям Христа, помогал неимущим, посещал в темницах заключенных христиан. За чистую и добродѣтельную жизнь святой получил от Господа дар чудотворенія и Именем Христа исцелял

больных, изгонял бесов. Когда император узнал, что святой Савва христианин, он потребовал от него отречения. Мученик сбросил воинский пояс и подтвердил, что не оставит свою веру. Его били, опаляли свечами, бросили в котел со смолой, но мученик оставался невредимым. Видя его мучения, уверовали во Христа

70 воинов, которых тут же усекли мечом. Святого Савву бросили в темницу. В полночь во время молитвы мученику явился Христос и осиял его светом Своей Славы. Спаситель повелел ему не бояться, но дерзать. Укрепленный, мученик Савва перенес наутро новые мучения и был утоплен в реке (†272).



В
ТОЙЖЕ
ДЕНЬ

Преподобных Саввы и Алексія затворника, в Ближних пещерах почивающих

Тропарь, глас 3:

Преблаженнии и Богоноснии отцы наши Савво и Алексіе, / яко стяжавши дерзновение ко Господу / равноангельным своим житием, / егоже ради обогати Христос / нетлением и чудесы мощи ваша, / молим вас прилежно: / испросите душам нашим очищение / и велию и богатую милость.

Кондак, глас 4:

Богатство благодати и сыноположения стяжасте / многими подвиги и добродетельми, / ихже ради Христос всели души ваша / в Небесныя селения Своя, / даровав благодать нетления / и чудес мощем вашим, / сего ради вопием вам: / радуйтесь, Савво и Алексіе, / ликов иноческих похвало и украшение.

Преподобный Савва Печерский подвизался в Ближних пещерах в Киево-Печерском монастыре не позднее середины XIII века. В рукописных святцах, в «Книге о святых» и в каноне службы преподобным отцам Киево-Печерским он называется чудотворцем. Память преподобного

Саввы совершается также в день памяти преподобных отцов Ближних пещер, 28 сентября, и в день памяти всех Киево-Печерских чудотворцев, в Неделю 2-ю Великого поста. 24 апреля память преподобного празднуется ради тезоименитства со святым мучеником Саввой Стратилатом.

Преподобный Алексий, затворник Печерский, подвизался в Ближних пещерах Киево-Печерского монастыря в XIII веке. Мощи святого были обреты после 1675 года. Память преподобного Алексия празднуется также в день памяти преподоб-

ных отцов Ближних пещер, 28 сентября, и в день памяти всех Киево-Печерских чудотворцев, в Неделю 2-ю Великого поста. Святые мощи преподобного Алексия почивают рядом с мощами преподобного Саввы Печерского.